



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in praecedentibus Editionibus
desideratas, summoque studio hinc inde conquisitas complectens

Luxemburgi, 1741

8. Votis tuis, &c. Absolvit Francorum Regem à Juramento de non
alienandis bonis, & juribus regni: anno 1529.
-

[urn:nbn:de:hbz:466:1-74514](#)

tuæ, adjuncto Tibi Venerabili Fratre nostro Archiepiscopo Cantuariensi, totius Angliae Primate, & Apostolice Sedis Legato nato, seu alio quoque illius Regni Episcopo, ad audiendum omnia & singula ea, quæ dicti Matrimonii vires dispensationis Apostolicæ cujusunque, coram vobis producenda aut exhibenda, validitatem aut invaliditatem contingat. Deque & super omnibus illis ac aliis quibusunque materiis, allegationibus, & causis, dictum matrimonium aut dispensationem concernentibus, seu tangentibus, cognoscendum: nec non in causa dicti Matrimonii, & validitatis dispensationis, vocatis partibus, summarie & de plano, sine strepitu & figura Judicij, procedendum. Dispensationes quacumque Apostolicas, prout illas validas, efficaces & sufficietes, invalidasve, inefficaces, minus sufficietes, surreptitas, aut obreptitas, aut aliquo quocunque modo encravatas inveneris, tales illas esse & haberi deberi pronunciandum & declarandum. Dictumque Matrimonium similiter, si ab alterutra parte petatur, prout animo conscientiaeque tuae Juris ratio persuaferit, validum, justum & legitimum ac firmum esse, aut è contra invalidum, injustum, & illegitimum, nullumque fuisse & esse, pro valido, justo, legitimo & fermo, aut è contra invalido, injusto, & illegitimo nulloque haberi debeti, definiendum, sententiandum & decernendum. Ac in eventum improbatæ dispensationis & declarationis dignitatis Matrimonii, summarie & de plano, sine strepitu & figura Judicij, ut praesertim, sententiam divortii judicialiter praeservendum. Denique tam Henrico Regi, quam Catharinae Reginæ praefatis ad alia vota commigrandi licentiam in Dominio, & Facultatem tribuendum, tibi, citra omnem personæ aut jurisdictionis gradum, omnirecuatione & Appellatione remotis, vices & omnem auctoritatem nostram committimus & demandamus, teque ad ea omnia, quæ in hac Commissione continentur, duntaxat exequenda, expedienda, ac plenæ finaliæ Executioni demandanda Vicegerentem nostrum, etiam ex certa nostra scientiâ, Creamus & Deputamus, ita ut in præmissis, quod nos Auctoritate & Potestate nostra facere possemus, id etiam Tu facere possis. Tibi quoque tam prolem, ex primo Matrimonio susceptam, si id ita expedire visum fuerit, quæ ex secundo Matrimonio suscipienda legitimam decernendi, pronunciandi & promulgandi, legitimatem etiam utriusque Prolis, Censuris & Penenis Ecclesiasticis quibusunque, per modum Decreti aut Sanctionis perpetuae, muniendi & vallandi, omnibus validioribus, & efficacioribus modis & formis, quæ de Jure concepi & excogitari poterint, ex certa nostra scientia, Auctoritate Apostolica, tenore præsentium potestatem pariter & auctoritatem concedimus; Non obstantibus Conciliis Generalibus, Apostolicis Constitutionibus, & Ordinationibus editis, ceterisque contrariis quibusunque.

Datum in Urbe Veteri, Anno Incarnationis Dominiæ, Millefimo Quingentesimo, vigesimo octavo, Idibus Aprilis, Pontificatus nostri, anno quinto.

B. Motta,
Sub Plumbo Sigillo pendente
à filo cannabeo.

Absolvit Francorum Regem à Juramento de non alienandis bonis, & juribus regni: anno 1529.

CLEMENS EPISCOPUS.

Servus Servorum Dei, Carissimo in Christo Filio nostro Francisco, Francorum Regi Christianissimo, Salutem & Apostolicam Benedictionem.

Votis tuis, illis præstern per quæ paci & quieti Christianæ Reipublicæ consulitur, li-

benter annuimus, eaque favoribus prosequimur opportunis. Sanè pro parte tua nobis nuper exhibita petitio continebat, quod, licet alias Majestas tua juraverit, Res ac Bona ac Jura à Corona Regni Franciæ nunquam alienare, dismembrare aut separare, & ad id vinculo Juramenti adstrinxisti. Quia tamen in Civitate Cameracensi die videlicet quinta Mensis Augusti præsentis Anni, inter Majestatem tuam & Carissimum in Christo Filium nostrum, Carolum Romanorum, & Hispaniarum Regem Catholicum in Imperatorem Elecsum, Sororum tuum Carissimum, perpetuum Fœdus formatum percussumque fuit, in eoque nonnullæ hinc inde alienationes, sine quibus Respublica Christiana tranquilla esse non poterat, factæ fuerint. Visum fuit eidem Majestati tuae pro publica Salute, Pace, ac quiete, ac tranquillitate hujusmodi expedire, per te præstito Juramento hujusmodi contravenire, volensque tuæ Conscientiæ, ac Christianæ Reipublicæ hujusmodi Saluti providere, Venerabilem Fratrem nostrum, Philibertum Episcopum Eporedensem Eleemosinarium, & dilectum Filium Nicolaum Rajne, Secretarium tuos, & eorum quemlibet in solidum, absentes Procuratores tuos, tanquam præfentes, specialiter ad petendum à nobis solutionem & relaxationem quorumcumque Juramentorum, de non alienandis nec dismembrandis aut separandis quibuscumque Rebus ac Juribus à Corona Regni Franciæ, hujusmodi per te catenus præstitorum, nec non super hujusmodi Absolutione & Juramenti relaxatione litteras necessarias, etiam petendum, imprimandum & expedendum. Quare idem Philibertus Episcopus, ejusdem Majestatis tuae Procurator Nomine, facta prius nobis Fide de sufficienti Mandato, nobis humiliter supplicavit, ut Majestatem tuam à Juramenti violatione absolvere, ipsumque Juramentum ac defectum validitatis alienationis Bonorum & Jurium à Corona Regni Franciæ factam hujusmodi relaxare, aliasque in præmissis opportune providere, de benignitate Apostolica dignaremur; Nos igitur attenderemus, ex hujusmodi alienatione totius Reipublicæ Christianæ Paci consuli, hujusmodi Supplicationibus inclinati, Majestatem tuum à Juramenti violatione, Auctoritatem Apostolicæ tenore præsentium, absolutivum, ac Juramentum seu Juramenta, alias per te de non alienandis Bonis vel Juribus Coronæ Regni Franciæ hujusmodi præstitum, ad effectum prædictum, ex certa scientia nostra ac potestatis plenitudine, relaxamus, ac alienationem bonorum & Jurium Coronæ Regni Franciæ factam hujusmodi valuisse ac valere, ac inviolabiliter observari debere decernimus. Non obstantibus præmissis, ac Constitutionibus & Ordinationibus dicti Regni, & illius Parliamentorum Confirmatione, Apostolica vel quavis firmitate alia roboretur, nec non Privilegiis & Indulis ac litteris Apostolicis dicto Regno forsan concessis, quibus illorum tenores pro expressis habentes, illis alias in suo labore mansuris, hac vice duntaxat specialiter & expressè derogamus, ceterisque contrariis quibuscumque.

Nulli ergò omnino hominum liceat hanc paginam nostræ Absolutionis, Relaxationis, Decreti & Derogationis infringere, vel ei ausu temerario contrarie; Si quis autem hoc attentare præsumperit, Indignationem Omnipotens Dei, & Beatorum Petri, & Pauli Apostolorum ejus se noverit incursum.

Datum Bononiæ, Anno Incarnationis Dominiæ 1529. III. Calendas Decembri, Pontificatus nostri, anno septimo.

Signat. subter Plicam,
sub Plumbo,

B. Motta,
Dors. Registr. in Cancellaria Apostolica.
De Cesis.

Confir-